



## REUNIAUN TIMOR-LESTE HO PARSEIRU DEZENVOLVIMENTU SIRA 7 Abril 2010

### Diskursu husi Vise Prezidente ADB Lawrence Greenwood

Ne'e nudar priviléjiu bot ida ba hau atu vizita nasaun furak ida ne'e no atu partisipa iha Reuniaun Anual Timor-Leste ho Parseiru Dezenvolvimentu sira. Hau hakarak hola parte ho parseiru dezenvolvimentu sira seluk atu felisita governu ba progresu nebé nia halo ona iha edifikasaun nasaun, kresimentu ekonómiku no prestasaun servisu esensial sira. Dezafiu sira nebé nasaun ne'e hasoru daudaun bot tebes no sei iha buat barak tan atu halo hodi asegura seguransa, bem-estar no oportunidade ba ema Timor hot-hotu, maibé hau impresionadu ho kompromisu no rezolusaun governu nian atu halo serbisu ne'e.

Hafoin rona tiha husi IMF konaba dezenvolvimentu makroekonómiku no husi Banku Mundial konaba dezenvolvimentu mikroekonómiku iha nasaun ne'e, hau hanoin importante ba Banku Aziátiku ba Dezenvolvimentu atu ezamina oin sa bele aplika lisaun sira dezenvolvimentu nian nebé aprende ona iha **Azia** ba dezafiu sira nebé Timor-Leste hasoru.

Uluk nanain hau fiar katak ne'e pontu importante ida transformasaun nian ba Timor-Leste, pontu ida nebé nasaun Azia barak sira seluk nebé sai ona husi konfliktu hanesan Viet Nam, Cambodia, Repúblika Demokrátika Popular Lao, Papua Nova Giné, Sri Lanka, Nepal no Illas Salomaun hasoru ona ka sei hasoru hela. Ba primeira dékada independénsia nian bainhira Governu tau atensaun ba rekuperasaun no edifikasaun nasaun, governu no doador sira presijamente responde ba objetivus prazu badak- harii hikas infraestruturá importante sira nebé naksobu tiha iha momentu independénsia no ikus mai harii hikas hafoin violénsia 2006. Reparasaun emerjénsia ba estradas, sistema be mos, portus no gerador eletricidade rurais (nebé ADB tulun finansia), no subsidiu familiar nudar medidas prazu badak ho objetivu atu estabiliza ekonomia no sociedade.

Infelizmente la iha tempu, oportunidade ka kapasidade atu mantein investimentu sira ne'e nuné mos la iha ferramenta política sira atu fahe benefisius ba ema barak iha nasaun laran, no tanba ne'e lalika hakfodak bainhira medidas prazu badak ne'e iha benefisius prazu badak nebé la sustentadu no halo utoan deit atu kombaté nivel pobreza nian nebé aumenta daudaun.

Ohin hafoin tinan hirak ho kresimentu forte, estabilidade política, no fluxu finanseiru bot husi royalties minarai, orasne'e Timor-Leste iha oportunidde no meius atu trata konstranjimentu prazu médiu no prazu naruk atu hakuran pobreza iha Timor-Leste. Em vez de halo estradas nebé sai aat, Governu bele poupa osan hodi harii sistema manutensaun efikáz ida, nudar China no Viet Nam halo daudaun. Em vez de halo projetus abastesimentu be'e nebé para funsiona hafoin fulan nen, sira bele distribui be mos ho forma konsistente ba emakiak liu husi operasoens distribuisaun be'e nebé ikus mai sustenta sira'an rasik liu husi aplikasaun taxa ho subsidiu utoan ka la iha subsidiu governu nian, hanesan ita haré ona iha Pnohm Pehn ni-nia utilidade bee inovativu. Em vez de depende ba subsidiu familiar atu haburas konsumu, nia bele kria ambiente ida ba dezenvolvimentu setor privadu.

Nudar nasaun Azia barak sira seluk, hanesan Mongólia, Repúblika Demokrátika Popular Lao, no Papua Nova Giné, Timor-Leste halo daudaun esforsus atu trata oportunidades no problemas nebé mai ho influxu

finansiamentu bot no imprevistu husi faan rekursus naturais. Osan husi minarai la kria empregu. Nune'e mos nia la kria rasik baze ekonómika ida atu sustenta kresimentu hafoin rekursus naturais ne'e mohu ona, hanesan ita haree iha Nauru.

Atividade setor privadu nian iha áreas nebé nasaun iha oportunidade ida atu sustenta nafatin kompetitividade - dezvoltamentu indústria kafé modernu ida ka eko-turismo nudar ezemplu – sei sai xave ba kriaun empregu no kresimentu sustentável nebé bele fahe benefisius kresimentu nian fo forma amplu ba sidadaun Timor-Leste sira. Timor-Leste hahu tiha ona ho diak liu husi kriaun nebe kondusivu liu ba investimentu privadu domestiku no estrangeiro no dadaun ne'e considera hela leis balun nebe sei hadia liu tan envairomentu ida ne'e. Maibe desafio sei iha nafatin. Periodu okupasaun nebe naruk harahun tiha initiative individual no ohin loron risku husi osan minan nian desafia fiar ba an rasik. Muda ema nia mentalidade atu depende oitoan deit ba góvunu no depende barak liu ba sira nia kapasidade atu hari an rasik, sei hodi tempo.

Timor-Leste iha privilejju tanba bele iha asesu ba rekursus finansiamentu oi-oin lubuk ida, depende ba ni-nia nesidades no valor nebé finansiamentu ne'e lori mai. Ne'e hahú ho utilizaun prudente ba Fundu Petrolíferu, nebé fo baze sólidu ida ba despesas dezvoltamentu esensial sira no prestasaun servisus públikus ba tinan barak. Nasaun ne'e bele asesu finansiamentu konsesional husi banku dezvoltamentu multilateral no doador bilateral sira, nebé bele fo ho taxa de juros kuran husi ida nebé Fundu Petrolíferu hetan, nebé lori mos experiéncia dezvoltamentu diak liu iha mundu no apoiu práttiku iha dezeńu no ezekusaun projetus. No nasaun ne'e sei hakarak atu kontinua atrai investidor estrangeiru sira nebé lori kofesimentu konabá merkadu, téknika no teknolojia produsauun sira nebé tulun kria empregu foun.

Enkuantu nasaun ne'e desidi oin sa atu uza finansiamentu ne'e, experiéncia husi nasaun Aziátiku sira seluk hatudu ba lisaun importante tolu:

- Nesidade ba prosesu diak ida ba identifikaun projetus investimentu ho retórnú ekonómiku no sosial bot liu.
- Enfoke ida ba investimentu iha kapital umanu no kapital fiziku produtivu.
- Atensaun, bainhira belé ba sustentabilidade, hodi aplika taxa ba prestasaun servisus infraestrutura pública, hanesan eletrisidade no be'e, ka hodi kria baze taxa alargadu ida liu husi investimentus nebé atrai atividade setor privadu.

Doador sira iha ne'e ohinloron pozisionadu didiak atu tulun Timor-Leste iha esforsu ne'e. Doador sira serbisu diak liu bainhira sira serbisu hamutuk iha lideransa Góvunu nian iha espírito Deklarasaun Paris nian. Ami deskobre iha ami nia serbisu iha Viet Nam, Filipinas, Cambodia, Bangladesh no nasaun barak sira seluk katak efikásia despesas dezvoltamentu nian iha ligasaun makás ho parsearia diak ida no diálogo entre doador sira no entre doador sira ho Góvunu. Ami ansiozu atu serbisu hamutuk ho doador sira seluk iha Ita-nia lideransa aban-bainrua.

Atu ramata, hau hakarak atu temi lisaun final ida nebé ADB aprende ona iha ni-nia experiéncia iha Ázia no lisaun ne'e mak nesidade ba fleksibilidade, pragmatizmu no haraik'an iha halao serbisu difisil funu hasoru pobreza. China dormina ona arte projetu pilotu no teste sira, hodi experimenta abordajen oi-oin, rejeita sa mak la funciona no aumenta ida nebé funciona. Ne'e abordajen importante ida. La iha peritu dezvoltamentu no la iha instituisaun dezvoltamentu ida mak monopóliza kofesimentu. La iha planu dezvoltamentu mak infalível. Dezvoltamentu nudar prosesu pasu-a-pasu ida nebé rekere imajinasauun, kriadidade, serbisu makás, komunika saun no liu-liu pasiénsia.

Ne'e mak espírito nebé ami iha ADB lori ba ami-nia serbisu iha Timor-Leste nebé ami hetan privilejju atu tulun iha tempo transformasaun ne'e.